

ქ. თბილისი

ერთი მხრივ, სსიპ „იუსტიციის სახლი“, შემდგომში წოდებული როგორც - „შემსყიდველი“, ფინანსური ოპერაციების დირექტორის ჯუმბერ წულაძის სახით, და მეორე მხრივ, შ.პ.ს. „საქართველოს გაერთიანებული წყალმომარაგების კომპანია“, შემდგომში - „მიმწოდებელი“, კახეთის რეგიონის მენეჯერის იოსებ კვეციშვილის სახით, ორივე ერთად წოდებული, როგორც „მხარეები“, ვმოქმედებთ, რა საქართველოს კანონმდებლობის შესაბამისად, ვდებთ წინამდებარე ხელშეკრულებას შემდეგზე:

#### 1. ხელშეკრულების ობიექტი და საგანი

- 1.1. ხელშეკრულების ობიექტია სსიპ „იუსტიციის სახლი“-ს საკუთარი შემოსავლების ფარგლებში, გამარტივებული შესყიდვის საშუალებით, წყლის მრიცხველის შესყიდვა (CPV38421100 - წყლის მრიცხველები).
- 1.2. ხელშეკრულების საგანია 1 (ერთი) ცალი წყლის მრიცხველის - ABSHERON GSS-32 (მრავალჭავლიანი) შესყიდვა თანმდევი მომსახურებით (მონტაჟით).

#### 2. ხელშეკრულების ღირებულება

- 2.1. ხელშეკრულების ღირებულება დღგ-ს ჩათვლით შეადგენს 312.60 (სამას თორმეტი ლარი და 60 თეთრი) ლარს.
- 2.2. ხელშეკრულების ღირებულება მოიცავს ხელშეკრულებით გათვალისწინებული საქონლის მოწოდებასა და მონტაჟთან დაკავშირებულ მიმწოდებლის ყველა ხარჯს, მათ შორის, საქართველოს კანონმდებლობით გათვალისწინებულ გადასახადებს.

#### 3. შესყიდვის ობიექტის მოწოდების პირობები

##### 3.1 ვადები:

3.1.1. შესყიდვის საგნის მოწოდება და მონტაჟი განხორციელდება ხელშეკრულების ძალაში შესვლიდან 10 სამუშაო დღის ვადაში.

##### 3.2. ადგილი:

3.2.1. შესყიდვის საგნის მოწოდება და მონტაჟი განხორციელდება შემდეგ მისამართზე: ქ. თელავი, ერეკლე II-ის მოედანი N3 (თელავის იუსტიციის სახლი)

#### 4. მხარეთა ვალდებულებები

##### 4.1. „მიმწოდებელი“ ვალდებულია:

- 4.1.1. მიაწოდოს და დაამონტაჟოს მაღალი ხარისხის, ნივთობრივად და უფლებრივად უნაკლო საქონელი ხელშეკრულების პირობების შესაბამისად, არსებული ნორმებისა და სტანდარტების დაცვით;
- 4.1.2. უზრუნველყოს, მოწოდებულ საქონელზე ჩატარებული ინსპექტირების შედეგად გამოვლენილი დეფექტებისა და ნაკლის აღმოფხვრა საკუთარი ხარჯით, საჭიროების შემთხვევაში წუნდებული საქონლის შეცვლა გონივრულ ვადაში, გარდა იმ შემთხვევისა, თუ აღნიშნული გამოწვეულია შემსყიდველის მიერ შესყიდვის ობიექტის არასწორი ექსპლუატაციით;
- 4.1.3. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან;
- 4.1.4. განახორციელოს ამ ხელშეკრულებით მასზე დაკისრებული სხვა ვალდებულებები.

##### 4.2. „შემსყიდველი“ ვალდებულია:

- 4.2.1. ხელშეკრულებით დადგენილ ვადაში გადაიხადოს ფაქტობრივად გადაცემული შესყიდვის ობიექტის ღირებულება;
- 4.2.2. განახორციელოს ამ ხელშეკრულებით მასზე დაკისრებული სხვა ვალდებულებები.

#### 5. ინსპექტირების პირობები

- 5.1. შემსყიდველის მიერ ხელშეკრულების შესრულების კონტროლი განხორციელდება პერიოდულად, როგორც შესყიდვის ობიექტის მიწოდების დროს, ისე ამ ხელშეკრულების მოქმედების პერიოდში.
- 5.2. ხელშეკრულების შესრულების კონტროლს განახორციელებს სსიპ „იუსტიციის სახლი“-ს თელავის ფილიალის სამეურნეო და მატერიალურ-ტექნიკური მხარდაჭერის სამსახური.

#### 6. შესყიდვის ობიექტის მიღება-ჩაბარების წესი

მიღება-ჩაბარება განხორციელდება შესყიდვის ობიექტის მოწოდების შემდეგ, წინამდებარე ხელშეკრულების მე-5 მუხლით განსაზღვრული ხელშეკრულების შესრულების კონტროლის განმახორციელებელი პირის მიერ შედგენილი ინსპექტირების აქტის საფუძველზე, რაზეც გაფორმდება შესაბამისი მიღება-ჩაბარების აქტი სამ ეგზემპლარად.



## 7. ანგარიშსწორების პირობები

### 7.1. ანგარიშსწორება განხორციელდება შემდეგი პირობებით:

7.1.1. ანგარიშსწორების ვალუტა – ლარი;

7.1.2. ანგარიშსწორების ფორმა – უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2. მიწოდებული საქონლის ღირებულების ანაზღაურება იწარმოებს მხარეთა შორის გაფორმებული მიღება-ჩაბარების აქტის, მიმწოდებლის მიერ წარმოდგენილი სასაქონლო ზედნადებისა და ანგარიშ-ფაქტურის საფუძველზე, დოკუმენტების წარმოდგენიდან 20 კალენდარული დღის განმავლობაში. თუკი ანგარიშსწორების განხორციელების ვადის ბოლო დღე ემთხვევა არასამუშაო დღეს, მაშინ ანგარიშსწორება განხორციელდება მომდევნო სამუშაო დღეს.

## 8. პირგასამტეხლო ხელშეკრულების პირობების შეუსრულებლობისთვის

8.1. ხელშეკრულებით ნაკისრი ვალდებულებების შესრულების ვადის გადაცილების შემთხვევაში, მიმწოდებელს შესაძლებელია დაეკისროს პირგასამტეხლო, ყოველ გადაგადაცილებულ დღეზე შეუსრულებელი ვალდებულების ღირებულების 0,1%-ის ოდენობით.

8.2. მიმწოდებლის მიერ ხელშეკრულებით ნაკისრი ვალდებულებების არაჯეროვანი შესრულების შემთხვევაში, მიმწოდებელს შესაძლებელია დაეკისროს პირგასამტეხლო, ყოველ ასეთ შემთხვევაზე ხელშეკრულების ღირებულების 1%-ის ოდენობით.

8.3. მიმწოდებლის მიერ ხელშეკრულებით ნაკისრი ვალდებულებების შეუსრულებლობის მიზეზით ხელშეკრულების შეწყვეტის შემთხვევაში შემსყიდველს უფლება აქვს დააკისროს პირგასამტეხლო ხელშეკრულებით გათვალისწინებული მთლიანი ღირებულების 10%-ის ოდენობით.

8.4. იმ შემთხვევაში, თუ მიმწოდებელზე ვადების გადაცდენისათვის ან/და არაჯეროვანი შესრულებისათვის დაკისრებული პირგასამტეხლოს ჯამური თანხა გადააჭარბებს ხელშეკრულების ღირებულების 2 (ორი) პროცენტს, შემსყიდველს უფლება აქვს შეწყვიტოს ხელშეკრულება და მოსთხოვოს მეორე მხარეს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.

8.5. პირგასამტეხლოს გადახდა არ ათავისუფლებს მიმწოდებელს ხელშეკრულებით ნაკისრი ვალდებულებების შესრულებისაგან.

## 9. ხელშეკრულებაში ცვლილებების შეტანა

9.1. ხელშეკრულებაში ცვლილება დაიშვება მხარეთა წერილობითი შეთანხმებით.

9.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

9.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების თავდაპირველი ჯამური ღირებულების გაზრდა დაუშვებელია 10%-ზე მეტი ოდენობით.

## 10. ხელშეკრულების შესრულების შეუძლებლობა

10.1. ხელშეკრულების დამდები მხარის მიერ ხელშეკრულების პირობების შეუსრულებლობა არ გამოიწვევს მხარის პასუხისმგებლობას თუ ხელშეკრულების შეუსრულებლობა ან არაჯეროვანი შესრულება გამოწვეულია შესრულების შეუძლებლობით (ფორს-მაჟორი).

10.2. ამ ხელშეკრულების მიზნებისათვის შესრულების შეუძლებლობად (ფორს-მაჟორი) მიიჩნევა მხარეებისათვის წინასწარ უცნობი, გადაუღალახავი და მათი კონტროლისაგან დამოუკიდებელი გარემოებები. ასეთი გარემოება შეიძლება გამოიწვევოს იქნეს ომით, სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

10.3. ფორს-მაჟორული გარემოებების დადგომის შემთხვევაში მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუზიაროს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე მეორე მხარისაგან გონივრულ ვადაში არ მიიღებს წერილობით პასუხს, იგი ვალდებულია გააგრძელოს ხელშეკრულებით ნაკისრი ვალდებულებების შესრულება შესაძლებლობის ფარგლებში, შექმნილი გარემოებების გათვალისწინებით.

## 11. სადაო საკითხების გადაწყვეტა

11.1. შემსყიდველმა და მიმწოდებელმა ყველა დონე უნდა იხმარონ, რათა ურთიერთშეთანხმებით მოავარონ დავა, რომელიც წარმოქმნება ხელშეკრულების შესრულებასთან დაკავშირებით.

11.2. თუ მოლაპარაკების დაწყებიდან 10 (ათი) დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, მხარეს შეუძლია დადგენილი წესის მიხედვით მიმართოს სასამართლოს.

12. ხელშეკრულების შეწყვეტა

12.1. თუ ჯეროვნად ვერ ასრულებს მასზე დაკისრებულ მოვალეობებს, მეორე მხარე უფლებამოსილია გავიდეს ხელშეკრულებიდან მის მიერ განსაზღვრული გონივრული დამატებითი ვადის უშედეგოდ გასვლის შემდეგ, ხელშეკრულების პირობების დამრღვევი მხარისთვის წერილობითი შეტყობინებით.

12.2. ხელშეკრულება შეიძლება შეწყდეს მხარეთა წერილობითი ურთიერთშეთანხმებით ან/და საქართველოს კანონმდებლობით დადგენილ სხვა შემთხვევებში.

13. ხელშეკრულების მოქმედების ვადა

წინამდებარე ხელშეკრულება ძალაში შედის ხელშეკრულების ხელმოწერის თარიღიდან და მოქმედებს 2013 წლის 31 დეკემბრის ჩათვლით.

14. სხვა პირობები

ხელშეკრულება შედგენილია ოთხი თანაბარი იურიდიული ძალის მქონე ეგზემპლარად, ქართულ ენაზე, აქედან ორი ეგზემპლარი გადაეცემა მიმწოდებელს, ხოლო ორი—შემსყიდველს;

15. მხარეთა რეკვიზიტები:

„შემსყიდველი“

სსიპ „იუსტიციის სახლი“

მის.: ქ. თბილისი, სანაპიროს ქ. N2,

საბანკო რეკვიზიტები:

სს „საქართველოს ბანკი“

BIG კოდი: BAGAGE22

ანგ. N GE15BG 0000000291279900

საიდენტიფიკაციო კოდი: 204 580 202

ფინანსური ოპერაციების დირექტორი

ჯუმბერ წულუაძე



„მიმწოდებელი“

შ.პ.ს. „საქართველოს გაერთიანებული წყალმომარაგების კომპანია“  
მისამართი: ქ. თბილისი, ვაჟა-ფშაველას გამზ. N76ბ

საბანკო რეკვიზიტები:

ს.ს „ლიბერთი ბანკი“ ცენტრალური ფილიალი  
ბ/კოდი LBRTGE22

ანგარიშის ნომერი #GE77LB0113123325230012.

ბანკის კოდი # 220101480.

ს/კ #412670097

კახეთის რეგიონის მენეჯერი

ოსებ კველიშვილი

